

**ISEBE LEMICIMBI YOKUSINGQONGILEYO NOCWANGCISO LOPHUHLISO
UMTHETHO WOKULONDOLOZWA KWENDALO YESIZWE UMTHETHO
WEENDAWO ZOLONDOLOZO EZIKHUSELWEYO, 2003
(UMTHETHO 57 KA-2003)
ISAZISO SENJONGO YOKUBHENGEZA IINDAWO NJENGENXENYE
YOLONDOLOZONDALO ESELE IKHONA IGROOTBOS PRIVATE**

UMphathiswa wePhondo wooRhulumente beNgingqi, iMicimbi yokuSingqongileyo noCwangciso loPhuhliso eNtshona Koloni (uMphathiswa wePhondo)—

(a) ngokwecandelo 33(1)(a) loMthetho wokuLondolozwa kweNdalo yeSizwe: UMthetho weeNdawo zoLondolozo eziKhuselweyo, 2003 (uMthetho 57 ka-2003) (uMthetho), unika isaziso senjongo yakhe yokubhengeza phantsi kwecandelo 23(1)(a)(ii) loMthetho le mimandla ilandelayo (ezo ndawo zijonge ukongezelelwa) njengenxalenye yoLondolozondalo esele ikhona iGrootbos Private (indawo yolondolozondalo esele ikhona):

- (i) IFama enguNombolo 919, emi kuMasipala waseOverstrand, kwiCandelo laseCaledon, kwiPhondo leNtshona Koloni; kubungakanani: 241, 0302 (amaKhulu amaBini anamaShumi amaNe anaNye khoma iQanda isiThathu iQanda isiBini) ehekthare; ephantsi kweNombolo yoNikezelo loMhlaba enguT40736/2005;
- (ii) Intsalela yeNxalenye 14 (iVyge Rug) (inxalenye yeNxalenye 3) yeFama iBavians Fonteyn enguNombolo 703, emi kuMasipala waseOverstrand, kwiCandelo laseCalendon, kwiPhondo leNtshona Koloni; kubungakanani: 258, 4755 (amaKhulu amaBini anamaShumi amaHlanu aneSibhozo khoma isiNe isiXhenxe isiHlanu isiHlanu) seehekthare; ephantsi kweNombolo yoNikezelo loMhlaba enguT5231/1996;
- (iii) Intsalela yeNxalenye 3 yeFama iBavians Fonteyn enguNombolo 703, emi kuMasipala waseOverstrand, kwiCandelo laseCaledon, kwiPhondo leNtshona Koloni; kubungakanani: 277, 7619 (amaKhulu amaBini anamaShumi asiXhenxe aneSixhenxe khoma isiXhenxe isiThandathu isiNye iThoba) ehekthare; ephantsi kweNombolo yoNikezelo loMhlaba enguT88353/1995;
- (iv) Intsalela yeNxalenye 3 (iPlatrug) yeFama iDe Platte Rugt enguNombolo 692, emi kuMasipala waseOverstrand, kwiCandelo laseCaledon, kwiPhondo leNtshona Koloni; kubungakanani: 409, 3013 (amaKhulu amaNe aneThoba

khoma isiThathu iQanda isiNye isiThathu) eehekthare; ephantsi kweNombolo yoNikezelo loMhlaba enguT37258/1997;

- (v) Inxalenye 8 (iSteynsbos) (inxalenye yeNxalenye 3) yeFama iDe Platte Rugt enguNombolo 692, emi kuMasipala waseOverstrand, kwiCandelo laseCaledon, kwiPhondo leNtshona Koloni; kubungakanani: 409, 3010 (amaKhulu amaNe aneThoba khoma isiThathu iQanda isiNye iQanda) eehekthare; ephantsi kweNombolo yoNikezelo loMhlaba enguT116480/2003;
- (vi) Intsalela yeNxalenye 1 yeFama iHelderfontein enguNombolo 688, emi kuMasipala waseOverstrand, kwiCandelo laseCaledon, kwiPhondo leNtshona Koloni; kubungakanani: 755, 7751 (amaKhulu asiXhenxe anamaShumi amaHlanu anesiHlanu khoma isiXhenxe isiXhenxe isiHlanu isiNye) eehekthare; ephantsi kweNombolo yoNikezelo loMhlaba enguT13319/2010;
- (vii) Inxalenye 5 (inxalenye yeNxalenye 1) yeFama iHelderfontein enguNombolo 688, emi kuMasipala iOverstrand, kwiCandelo laseCaledon, kwiPhondo leNtshona Koloni; kubungakanani: 88, 0452 (amaShumi aSibhozo aneSibhozo khoma iQanda isiNe isiHlanu isiBini); ephantsi kweNombolo yoNikezelo loMhlaba enguNamba T13898/2016,

imida yaWo iboniswe kwimephu echazwe kwiShedyuli;

- (b) wazisa ukuba indawo yolondolozondalo esele ikhona neendawo zijonge ukongezelelwa emi malunga ne15 km kumzantsi weStanford ne35 km kumazantsi ukusuka eHermanus kwingingqi yaseOverberg, njengoko kubonisiwe kule mephu kwiShedyuli;
- (c) wazisa ukuba iCapeNature ivavanye iindawo zijonge ukongezelelwa, kwaye kuyabonakala kolu vavanyo ukuba ezi ndawo zijongwe ukuba ukongezelelwa iqulethe inani leempawu ezenza ukuba ikufanele ukubhengezwa njengendawo yolondolozondalo esele ikhona;
- (d) wazisa ukuba inyathelo ekujongwe ukuba lenziwe ekubhekiswa kulo kumhlathi (a) liyahlangabezana neemfuno zecandelo 23(2)(b)(i), (ii) no(iii) loMthetho, njengoko lijolise ekukhuseleni indawo ekujongwe ukuba yenziwe eyolondolozo ndalo, eneempawu zendalo ezibalulekileyo okanye iintlobontlobo zezityalo nezilwanyana eziphilayo; inokubaluleka kwezobunzululwazi, ezenkcubeko, ezembali okanye ezoovimba bemizila yembali; kwaye idinga ukhuseleko lwexesha elide ukuze kugcinwe iintlobontlobo zezityalo nezilwanyana eziphilayo okanye ukubonelela ngempahla neenkonzo zokusingqongileyo;

- (e) wazisa ukuba imixholo yeShedyuli kunye neenkcukacha zovavanyo ekubhekiswe kuzo kumhlathi (c) ingajongwa ku-<https://www.capenature.co.za/protected-areas-and-stewardship>;
- (f) wazisa ukuba uMphathiswa wePhondo akazi, okwangoku, ngawo nawaphi na amalungelo anokubakho okanye umdla woluntu lwasekuhlaleni, okanye abachaphazelekayo ngaphandle komnini wendawo esele iyindawo yolondolozondalo kunye nemindla eyongezelelweyo ekujongwe ukuba yenziwe eyolondolozo ndalo, onokuchatshazelwa zizenzo ekujoliswe kuzo ekubhekiswa kuzo kumhlathi (a);
- (g) umema amalungu oluntu ukuba angenise iziphakamiso ezibhaliweyo okanye izichaso ngokuphathelele kwisibhengezo esicetywayo esichazwe kumhlathi (a) zingekapheli iintsuku ezingama60 ukusuka kumhla wokupapashwa kwesi saziwo kwi*Gazethi yePhondo*, ngoku—
- (i) zithumela ngeposi iziphakamiso okanye izichaso ku-:
- Gqr. Ashley Naidoo
IGosa eliyiNtloko lesiGqeba
INGqale kuNks. Kaylin Reid
CapeNature
Private Bag X29
Gatesville 7766;
- (ii) zisa ngesandla iziphakamiso okanye izichaso ku-:
- Nks. Kaylin Reid
UMcebisi wezoMthetho
CapeNature
kwiKona yeSitalato iBosduif neVolstruis
Bridgetown
Athlone; okanye
- (iii) zithumela ngeimeyili iziphakamiso okanye izichaso ku-:
- kreid@capenature.co.za; kwaye
- (h) umema abantu abanomdla okanye abachaphazelekayo ukuba, kwiimeko ezifanelekileyo, bathumele iziphakamiso zomlomo okanye izichaso kuMphathiswa wePhondo, okanye kumntu otyunjwe nguMphathiswa wePhondo, kwixesha elichazwe kumhlathi (g).

Iziphakamiso ezibhaliweyo nezichaso ezifunyenwe, okanye iziphakamiso zomlomo okanye izichaso ezifunyenweyo, emva kwexesha lokuvala zinokungahoywa.

Imibuzo ingabhekiswa kuNks. Kaylin Reid ku087 087 4102.

IMEPHU

(Umhlathi (a) no(b))

